

《文昌帝君覺世牖民真經》

恭誦

文昌帝君覺世牖民真經

淨壇神咒

太上說法時。金鐘響玉音。
百穢藏九地。群魔護騫林。
天花散法雨。法鼓振迷沉。
諸天賡善哉。金童撫瑤琴。

願傾八霞光。照依皈依心。
蚤法大法稿。翼侍五雲深。
急急如律令。

開經偈

三業皆清靜。馨香念此經。帝君親說法。
義理益彰明。朝夕高聲誦。神人傾身
聽。虔誠能信受。瑞氣滿家庭。

開經讚

桂香寶殿。梓潼帝君。慈悲度眾闡靈文。
三期度人群。虔誠方殷。宅舍降祥雲。

皈命

九天輔元開化。普度皇靈。延嗣錫祿。
文昌帝君。更生永命天尊。（三跪九叩）

孝道章一

夫孝者天之經地之義，成人之道也。父
天、母地，罔極恩深。自古代成神證佛、

無不從忠孝而來。

舜帝耕田，為孝而得天下。文王視膳，為孝而安社稷。人生未出世，託體於親身。受父精母血而成形。經十月懷胎而降生。嬰胎翻母腹，臨產生死關。求神又禮佛，祈禱母子全。哺乳三冬，養育長大。能言能行，父母始安。還愁疾病纏，萬般受苦煎。

七八歲入學拜師，望子成龍。登弱冠，娶室完婚，以期生孫。親子愛子，無微不至。故為人子女者，凡事必知孝順。孔子曰：身體髮膚，受之父母，不敢毀傷，孝之始也。立身行道，揚名於後世，以顯父母，孝之終也。二十四孝，名列神仙。父母在世，原無幾年。當知孝順，以表誠虔。切勿死後，徒祭靈前。今逢

三期普度，如有忤逆父母，聽妻妾語，甘旨不奉。親罵一句，子應千聲。輕則滅其紀算，重則絕其後嗣。孝之道，是修道之至寶，成道之大丹也。

教養章二

教養子女，具慍愛心。詩書勤讀，經史深研。入則誨於孝悌，出則訓於義仁。教養並重，望其成名。榮宗耀祖，養老

送終。

子女在於年輕，氣血方剛之時，不知不覺，易墜歧途。只顧樂而忘返。故必慎擇交友。與善人親，如入芝蘭之室。與惡友交，如入鮑魚之肆。古之孟母，善於教子。子不學，斷機杼，孟子終成聖人，至今遠佈芳徽。奈何末劫，世風日下，婦道頹敗，懿德沉淪，不以孝悌為

規，不以貞節為重。終日艷粧，懶惰成性，或未婚而先失貞，或敗節而致墜落。以貽父母憂，而受親戚譏。不孝至極，皆因失教之則也。

深願為人父母，殷勤教管子女，不可慕虛榮，不可貪富貴。有子者教子成龍，有女者養女成鳳。以樂天倫，以振家聲。揚名聲顯父母，無限光榮。光梓桑，忠

國家，何等榮耀。為人父母，宜知勉之。

寡慾章三

諸惡孽中，以淫為首。偷香竊玉，破人貞節。萬般惡業由此起，種種善念從此消，淫慾過度，精敗血消。人生三寶，則精氣神。三寶能守，其壽必長。世上英雄，聰明秀士，對淫慾關頭，最難突破。一念之差，終被其迷廢。棄正業，

蕩產傾家。或染癆疾，甚至夭亡。

夫妻之間亦貴有節。勿貪片刻之歡，以致傷身損命。勸爾青年，血氣方剛之時，戒淫寡慾，固精以保天年，切莫以攝魄之妖，誤作人間活佛。更勿以拘魂之鬼，奉為月裏嫦娥。

昔時紂王，為妲己而亡國，古代桀王，為妹喜而喪身。須知縱慾好色之害，乃

為人自招之禍災也。求名者，若好邪淫而敗若喜出名節。求利者，若好色慾，其利必虧。居家者，若喜出入酒家茶館，而家業必荒。為官者，若喜往來花街柳巷，其官職必廢。奈何末運，男女好淫，以致未老先衰，壽數不長，實可哀憫也。

養生章四

修身可以逃劫，養生可以延年。然則養生之道，在乎固守真精。勿洩元氣，勿虧元神。戒暴怒以養性，節飲食以固胃，慎風寒以祛病，勞筋骨以致強。如此時常實行，亦可益壽延年也。

至於錦衣玉食，蕩志傷神，亦非養生之術也。必知粗衣淡食，保全其真，才是修養之道也。木有根則榮，根斷則枯，

魚有水則生，水涸則亡。是故必須培其源，以臻其善也。燈有油則明，油盡則滅，人有氣則活，氣脫則死。是故必須養其性，而達其功也。昔時彭祖，壽到八百，非是草木藥餌之功，皆是自己修煉而得。長生無秘術，惟人自養生。清心寡慾，精神飽滿，五臟六腑調和，血脈自然流通。病患不侵，壽臻期頤，龜

享遐齡，守氣而來。鶴得高壽，固精而獲也。

富貧章五

天道循環，報應分明。或貧或富，皆有運命。或貴或賤，都是因果。今生富貴者，能繼續行善，敦功積德，來世還可享福。封妻蔭子。今世貧賤者，能克苦修為，日積月累，來生轉為榮華。刻薄

成家，世上無三代之富貴，天道旋轉自變遷，循環報應極分明。

於今社會之中，常有行善之人，環境坎壈，運氣不佳。或子孫不肖，或父母帶疾，或家財破產，或官符纏身，乃生怨言，則曰：作善無報，天地鬼神不慈。不錫我於福，反報我以禍。此皆不明大道，以致而是不滿。凡人行善，每受惡

報，皆是祖宗餘殃未盡，殃盡必昌，焉有無報之理乎？

富家行善，以財布施、印送經文、舖橋造路、施醫捨藥、扶危濟困。貧人行善，出力惜物、敬神愛人，克己濟眾，戒殺放生，見義勇為，三尸紀錄，必獲善報，蒼天固不負善人也。

齊家章六

欲齊其家，先修其身，欲修其身，先正其心，心不正則身不修。身不修則家不齊也。

守三綱五常，修身之本也。敦四維八德，齊家之道也。男者，志在四方。謀業成家。婦人，主理中饋，相夫教子。儉以養廉，足以致富。勤以補拙，足以興家。縱耳目之慾，不儉也。任四肢之逸，不

勤也。齊家之道，重在慈孝。心存寬厚，忍讓為先。父慈子孝，兄友弟恭，夫唱婦隨，敦親睦族，自然家庭美滿。待人處世，明辨是非，正直光明，不貪不取，立德潤身，積功行仁，以身作則，正己化人，則禍患不侵，相安無事也。以責人之心責己，以恕己之心恕人，全家充滿祥和，彼此和顏悅色，化禍為

福。轉憂為喜，上則顯祖耀宗，祖德流芳之樂。下則繼孫傳子，無內顧之憂也。

行善章七

修身行善，廣種福田，蔭子孫，樂道敦功，深栽妙果。拔先人，莫謂善小而不為，休言惡小而可行。易曰：積善之家，必有餘慶。積不善之家必有餘殃。自古

及今，均同一理也。

延康末運，活動頻臨，善惡兩途，報應分明。為善者，雖逢凶而化吉。為惡者，雖迎祥而降禍。刻刻行善，不求福而福自至。時時作惡，不惹禍而禍自來。貧賤之時，為善不大，為惡不多，無力之故也。富貴之日，為善無量，為惡無窮，有財之因也。

故人生在世，有生之日，看人作惡，須
檢點自己之過，方免有失。遇人樂善，
應勉勵自己之功，庶幾有成。善惡之報，
如影隨形。善果勇為，無害而有益。惡
業妄作，無益而有害，故諸惡莫作，眾
善奉行。家門吉慶，兒孫昌榮也。

處世章八

待人以禮，長幼當知有分。處世以恭，

尊卑更宜有序。驕傲者，謀事難以成。怠慢者，營業不能就。貪迷酒色，定受災殃。思慕虛榮，必遭禍患。遇艷婦，莫生邪念。逢遺金，休生貪心。修身以仁義為先。處世以廉恭為首。不因家富，而生驕傲之念。見善必遷，有過必改。毋屈身以求榮，勿喪品而敗節。即真君子、大丈夫也。

當知克敦勤儉，並要守己安份。遇老輩
必須請安問候，以表尊敬。逢幼稚更宜
提撕照顧。以示關懷。待人以謙恭，方
得心安身泰，謀事以誠信，方得吉集祥
增。待人忠實無私，處世勤勉至正，則
事無不成，業無不精也。

登山難，求人更難。黃連苦，貧窮更苦。
春冰薄，人情更薄。江湖險，人心更險。

知其難，守其苦，忍其薄，明其險，則可以處世，可以應變也。

報應章九

民智日高，道德日微。世風變，人生出。心險惡萬端。綱常廢，巧計危機日出。於今社會，人心不古。作善者少，作惡者多。貪慕虛榮，而爭名奪利。只顧利己而忽視公益。賭盜淫詐，傷天害理。

人心兇惡，社會不寧。行善必有善報，作惡必有惡報。因果分明，豈能無報乎？

人生榮枯得失，循環報應無差。富貧壽夭，生死輪迴，天理有一定之循環也。善極必昌，惡極必敗。富極必賤，貧極必貴。福極生禍，禍極福來。樂極生悲，苦極甘來。乃是天道循環之理也。人生

禍福，由天安排。降福降禍，依據善惡。天理昭昭，報應無差。天網恢恢，疏而不漏。近報自身，遠報子孫，並非報應無憑也。古時報應較遲，今時報應迅速，人心愈來愈壞，天道益施益彰。善惡非無報，時日乃未到。行善之人，必享榮貴之報也。

樂道章十

大道無形，生育天地。大道無情，運行日月。大道無無名，長養萬物。道之妙者，無影無踪。道之虛者，無色無相。萬物為之所生，宇宙為之所造。道之源出於天。道之理，盡於性。道在人身性也，道在天體玄也。

人為萬物之靈，居於三才之中。貴知修道。欲修大道，首先清淨身心。並要養

性寡慾。去假歸真，去邪歸正。內心存謙，以為功。外行守禮，以為德。不可迷惑酒色，切勿沉淪於名利。培其精氣，行中孝廉節，以修其身。養其真元，鍊陰陽造化，以悟其道。玄關竅守，萬物皆空。由俗心鍊為道心，從凡骨鍛為仙骨。以氣全形，以道全真。得收天地之正氣，並奪日月之精英。

莊子之成道，養其性，以氣全形。顏子之證聖，齋其心，以道全真。學者若能到此而後大道可成也。

靈寶天尊讚曰：

聖道衰微，傷風敗俗久矣。人心險惡，傷天害理眾焉。名利酒色，迷惑人間士女，墜落苦海。賭盜淫詐，引誘世上子弟、誤入歧途。東走西奔，作欺騙之手。

法，而供花天酒地。朝想暮思，以圖榮華富貴。遂忘人生之本性，失去大道之良心。輪迴萬劫，難逃生死之關。六道往來，難脫幽冥之苦。

人生處世宜篤倫常。崇高懿行，切勿乖張。父子務須慈愛。夫妻必要和順。兄弟更宜友敬。朋友當知信實。尊重先王

之道。克懷聖人之學。庶幾不愧為人
也。

今逢三期，帝君慈悲。親涉紅塵。降鸞
醒善。獻身說法，闡出十章。文雖淺近，
句句珠璣。覺世修功。牖民行善。不惜
精神物力，不辭風雨寒暑。神人協力，
今告經成，登堂慶賀，聊述數語，以誌
讚焉。

復聖顏回夫子讚曰：

覺世牖民 萬世同欽 恩澤下界 帝君婆
心十章玄奧 詞淺意深 覺世寶筏 牖
民金箴 勸善勸孝 戒惡戒淫 弘揚妙諦
廣播梵音 匡扶聖道 啟化人心 欲修大
道 珍惜光陰 善言善語 勝獲甘霖 飛
鸞敬讚 醒世登臨。

完經偈

帝君傳真經。虔誠誦圓成。
章章如珠玉。句句勵善行。
厄解千祥集。福壽廣延增。
家庭添瑞氣。顯達子孫榮。

世風日下，黑氣彌天。覺世牖民演真
銓。口誦心維專。頂禮誠虔。災消福
祿綿 皈命

九天輔元開化，普渡皇靈，延嗣錫祿，

文昌帝君，更生永命天尊。（三稱：九叩）

（覺世牖民真經終）